

在文川网搜索古籍书城 获取更多电子书
river文川网
古籍书城
入驻商家

中國方志叢書·華中地方·第三三八號

據

明嘉靖九年刊，民國十五年重刊本
童承毅撰

影印

湖北省

沔陽州志

(全)

成文出版社有限公司印行



10098286

中華民國六十四年 月壹一版

沔陽州志

全 冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

泗陽州志



docsriver 文川网
入驻商家 古籍书城

在文川网搜索古籍书城 获取更多电子书

沔陽盧氏慎始基齋

據舊鈔本校于都門

志目

沔陽童承敘

紀

郡紀第一

表

郡縣表第一

封爵表第二

秩官表第三

人物表第四

志

提封上第一

提封下第二

創設第三

河防第四

食貨第五

秩祀第六

儒學第七

兵戎第八

傳

秩官列傳第一

人物列傳上第二

人物列傳下第三

良牧傳第四

名將傳第五

死事傳第六

名賢傳第七

逸士傳第八

僑寓傳第九

孝義傳第十

外傳第十一

序志

余爲志據諸史傳及故志所載冗者裁焉鄙者黜焉略者覈焉訛者正焉疑者傳焉其功賴諸子搜校爲多

特類萃耳紀一表四志八傳十有一統十有八卷郡之
大事鑒戒存焉作郡紀封爵秩官人物皆爲郡邑重作
四表凡志郡邑者民所止也故首提封位署建而制度
彰矣故次創設役莫大於隄障民食仰焉故次河防河
防固而財用阜矣故次食貨富必有教故次秩祀學校
者禮所從出故次儒學有文必有武故次兵戎凡傳秩
官人物敘事也良牧惠也名將錄功也死事忠也名賢
尊德也逸士尙志也僑寓思也孝義崇節也外傳備遺
也童承敘識

沔陽州志卷一

沔陽童承敘

郡紀

唐堯之興因額帝所建為九州其南為荆曰荊楚漢南

域也

虞舜肇十有二州其一荊州

夏禹平水土還為九州荆及衡陽惟荊州嶧豕導漢過

三澗至于大別岷山導江過九江謂至于東陵謂江漢

朝宗于海沱潛既道雲土夢作乂

商湯奄有九有制如夏

周文王之化自北而南江漢之域先被其澤謂之周南

於是作漢廣之詩

武王受命亦為九州正南曰荊州川曰江漢藪曰雲夢

成王封鬻熊曾孫熊繹於楚居丹陽歸州沔為楚地景陵

為鄖地漢志景陵有鄖鄉水經注中

昭王五十一年王巡狩返濟漢舟解王與祭公俱溺焉

胡三省注左桑引水經注左桑在雲杜昭王溺處言百姓位王喪也雲杜又有橫桑言得昭王喪處晉於竟陵

置橫桑成

夷王時楚子熊渠甚得江漢民和至文王熊賁益疆陵

江漢間小國

定王三年楚莊王侶總帥諸侯觀兵周郊并吞江漢之

間

景王十六年魯昭公十三年楚公子比為王公子黑肱為令尹

次于魚陂杜預注竟陵縣北有甘魚陂楚守甘魚之口亦此地

敬王十四年定公四年楚滅鄖封鬬辛為鄖公是歲吳入郢

昭王出奔入雲中盜攻之王走鄖鄖公辛與王出奔隨

涉於成日杜預注竟陵縣西有白水

赧王三十七年秦白起攻楚拔郢遷東至竟陵

秦始皇郡縣天下置南郡沔為南郡地

漢興高祖更置江夏郡竟陵為縣西北為雲杜縣漢書地理志

據在景陵西北梁於此置沔陽縣漢書注雲杜在沔陽縣北

置沔陽郡於景陵縣地李賢漢書注雲杜在沔陽縣北

沔為雲杜地故王莽改竟陵曰守平

莽地皇元年竟陵三老

漢鄉官名 姓名關

起兵於郡界新市

人王匡王鳳與馬武王常共起雲杜綠林中二年荆

州牧發兵攻之匡等迎擊於雲杜大破牧軍遂攻拔

竟陵

東漢竟陵雲杜制如漢

桓帝延熹七年正月戊辰桓帝幸竟陵過雲夢臨沔水

獻帝建安三年九月蜀先主敗於長坂斜趨漢津與關

羽船會得濟沔

景陵今有留 駕河先主廟

十月吳周瑜破曹操於烏林

按史操引次江北被燒走 華容今烏林正在江北與

赤壁對飲關羽 亦日烏林之役

三國竟陵雲杜吳地

晉初竟陵雲杜制如漢

武帝太康元年杜預鎮襄陽開楊口通零桂之漕

預傳楊口

起夏水達巴陵水經注楊水北逕竟陵縣北注于沔謂之楊口通輿復州沔陽有夏水

惠帝元康九年分江夏西部都尉置竟陵郡治石城領

縣六長壽竟陵新市霄城新陽雲杜

太安二年正月義陽蠻張昌聚黨爲亂江沔間起兵應之

七月荊州刺史劉弘以南蠻長史陶侃爲大都護遣攻

昌於竟陵大破之

懷帝永嘉六年正月胡亢聚眾於竟陵自號楚公以杜

預爲竟陵太守

十二月杜弼別將王真襲沔陽

按晉志南郡江復縣屬無沔陽胡三省注當屬

竟陵郡界宋白日復州沔陽縣漢縣也郡國志沔陽縣即楚王城

成帝咸康五年九月石虎將夔安李農陷沔南進圍石城竟陵太守李陽拒戰破之

穆帝永和四年十月石虎使其將苻健寇竟陵

帝奕太和三年四月慕容暉將慕容塵寇竟陵太守羅崇擊破之

孝武帝太元六年十二月苻堅荆州刺史都貴遣其司

馬博振寇竟陵桓冲遣冠軍將軍桓石虔與其弟石民

碩之擒振按晉志都貴作梁成

南宋初竟陵郡屬荊州孝建元年屬郢州領縣竟陵本

產連理其上有光

齊和帝中興元年蕭衍至竟陵命王茂曹景宗為前軍
進逼郢以中兵參軍張法安守竟陵城

梁武帝分竟陵郡置沔陽郡

隋志梁置沔陽郡胡三省釋文辨誤梁置沔陽郡於

漢竟陵縣地故志雲杜城注梁於此置沔陽郡

大通五年十二月魏荊州刺史賀拔勝遣軍攻沔陽拔

之史略通鑑釋文沔陽漢中邑胡三省釋文辨誤漢中沔陽屬梁州府梁州已為魏有史略釋非

大清三年司州刺史柳仲禮赴臺城竟陵郡守孫暠以
郡叛入于魏宇文泰使大都督符貴鎮之

簡文帝大寶元年正月仲禮還暠仍以郡歸泰將開府
楊忠擒仲禮于滌頭別將王叔孫以竟陵降于忠

史敘曰晉置竟陵郡治石城陸州今安書其事何竟陵我郡也其治石城何石城竟陵地也竟陵既自為郡凡大事必書書必繫於竟陵明我郡事也書我郡事故不嫌於石城也梁置沔陽郡竟陵為異郡矣復書其事何存故也春秋書陳災詩列邶鄘之風陳楚并之也邶鄘衛并之也何為復繫之存之也

西魏省州陵惠懷二縣置縣曰建興見隋志節今治所

郡惠懷改竟陵曰霄城晉有霄城魏或後周置復州取

為名治建興又省營陽州城二郡入建興見隋志營陽

復以霄城為竟陵

隋文帝開皇間徙復州治竟陵

docsriver 文川网
入驻商家 古籍书城

在文川网搜索古籍书城 获取更多电子书

仁壽三年州治復徙建興

煬帝大業初改沔州又改建興曰沔陽尋復沔陽郡統

五陵沔陽監利竟陵敵山漢陽

大業十一年十一月城父朱粲聚眾轉掠荆沔所過無

難類

恭帝義寧元年十月沔陽人張繡謀據郡叛隋推蕭詵

為主

唐高祖武德四年五月隋真定令周法明遣于紹德攻

沔陽拔之因以城降于唐

武德五年改復州屬山南道領縣三沔陽竟陵監利是年徙復

州治竟陵

太宗貞觀七年仍徙治沔陽

玄宗天寶元年改竟陵郡

肅宗乾元元年改復州

寶應二年徙治竟陵

穆宗長慶四年夏復州漢水溢決

僖宗乾符三年十一月漢州賊王仙芝黃巢攻陷復州

光啟元年春正月淮南叛將張瓌韓師德陷復州據之

昭宗天祐二年八月朱全忠遣楊師厚陷復州

五代梁復州日武威

歐陽修五代史職方考

以監利入江陵府

太祖開平四年分漢江南為白沙徵科院

屬江陵玉沙始此故書

均王貞明五年五月吳武昌節度使季簡帥水軍攻復

州執知州鮑唐

晉高祖天福元年改復州曰景陵郡竟陵曰景陵縣

周改沔州

宋太祖建隆三年改復州景陵郡領縣二景陵沔陽

乾德三年以白沙院為玉沙縣屬江陵

太宗太平興國五年七月復州江漲民舍堤塘皆壞

淳化二年七月復州蜀漢二江水漲壞民田廬

至道三年以江陵府玉沙縣來屬至是領縣三

仁宗寶元二年廢沔陽為鎮併其地入玉沙

神宗熙寧六年州廢以景陵隸安州玉沙亦廢為鎮屬安州

利

哲宗元祐元年復置復州及玉沙縣

復州仍屬

欽宗靖康二年金人入寇殺鎮海軍節度使劉延慶其
徒祝進王在去爲盜犯復州攝德安守劉規連戰破之
高宗建炎元年九月都統制范瑗捕斬李孝忠於復州
紹興三年五月復州水

孝宗淳熙三年夏復州旱冬大饑

八年七月復州不雨至於十一月明年五月不雨至於
七月十五年五月荆江溢復州水

寧宗開禧二年金人圍襄陽德安游騎迫景陵京湖宣
撫使吳玠遣張榮將兵援之金人再犯景陵張榮死之
獲募死士入景陵命其將王宗廉死守調大軍分道夾

擊金人遂去時郡學諭陳嘉言亦死之

嘉言之死故志云開禧間據史

富在是年也

理宗端平三年蒙古忒木解攻襄陽江陵知復州施子

仁死之是年復州景陵併徙治沔陽鎮

以玉沙為附郭

淳祐十二年二月蒙古寇復州

度宗咸淳八年九月復州副將翟國榮遇元兵戰爛泥

湖死之

十年元將伯顏及宋兵戰於風波湖

十一年伯顏兵次復州安撫使翟貴迎降伯顏諭諸將

不得入城

恭帝德祐元年四月元將阿里海牙寇江陵宣撫朱漢

孫制置高達降禰孫移檄所部歸附程貫以城降

元初還縣治于景陵

世祖至元十二年改復州路

十六年陞沔陽府隸河南省領縣二玉沙景陵

成宗元貞二年十二月玉沙水

大德九年五月至七月玉沙江溢

仁宗延祐元年六月沔陽饑

順帝至正九年四月沔陽大水

十二年春正月辛未徐壽輝陷沔陽推官余述祖達魯

花赤咬住死之元史是年谷失入都魯引兵敗賊

十五年春正月丁丑徐壽輝遣其將倪文俊復陷沔陽

陳友諒亦起於黃蓬

六月命章佩監丞普顏帖木兒翰林修撰烈瞻招諭沔陽

七月命參知政事哈林禿及王塔失帖木爾守禦沔陽如賊不降卽進兵討之

十一月以太不花爲湖廣行省左丞相總兵招撫沔陽吳元年沔陽學產瑞蓮

明興初爲沔陽府隸湖廣行省

高皇帝洪武九年改沔陽州省玉沙入焉直隸湖廣布政司經戶四千里領縣一

景陵編戶二十六里

純皇帝成化十年夏大水城內乘舟

敬皇帝弘治六年冬大雪恆寒

十三年大水

毅皇帝正德四年賊丘仁楊清聚眾於麻洋布政使陳
鏞副使蔣昇率兵擒之

八年夏六月沔陽學復產瑞蓮

十一年大水明年水大饑民物多耗

十三年都御史陳金奏改沔陽隸漢陽府民言不便者
以千數知州李濂奏罷之

肅皇帝嘉靖三年十二月晦地震

六年六月大水民田廬皆壞戊辰迅風大雨雹

是夜人畜多溺

死

七年夏旱河竭

八年沔陽疫秋七月漢溢

九年秋大水八月丁丑有星如月自東南流於西北俄有聲如雷

史敘曰夫祥異者天乎順逆者人乎隆污者時乎天兆於上人變於下而時運乎其中矣相與之際何較然弗爽也是故郡之事孰大焉余因稍論次紀之夫沔之事載諸前聞大者如是而已休也咎也臧也否也興也廢也豈非後世之恆鑒哉

贊曰南紀建邦實維雄鎮兆分祥沔蹟殊休吝建革隨

遷興替迭運時易事更交徵互應身稽往牒式昭恆鏡

新陽州志卷一

盧靖
校刊

沔陽州志卷二

沔陽童承敘

郡縣表

秦	春秋戰國	南郡地	竟陵
周	楚地	同	同
商	同	同	同
夏	同	同	同
虞	同	同	同
唐	荆州城	荆州城	荆州城
	州		縣

後周	西魏	梁	齊	南宋	晉	三國吳	東漢	西漢
復州	建興縣		同	同	雲杜縣地 <small>屬竟陵郡</small>	同	同	雲杜縣地 <small>屬江夏郡</small>
竟陵	香城	竟陵	同	同	同	同	竟陵雲杜地	守平
		沔陽郡						

docsriver 文川网
入驻商家 古籍书城

在文川网搜索古籍书城 获取更多电子书

	隋	建興縣	建興縣
	唐	復州	復州
		沔陽縣	沔陽郡
		沔陽縣	復州
		復州	復州
		竟陵	竟陵
		復州	

	五代梁	唐	晉	漢	周	宋
竟陵郡 復州					沔陽玉沙 <small>地二縣</small>	復州景陵郡
復州	復州 竟陵	復州	景陵郡 景陵	復州	復州	